



# Kum 2013 chhunga Section hruaitu turte

Chanmari West, 13<sup>th</sup> Jan : Ni 8.1.2013 (Thawhle) zan dar 6:30 khan section hrang hrangah Branch OB te kaihhruiin kum 2013 chhunga section hruaitu tur (OB) te thlan a ni a, heng OB thlan chhuahte hian Returning Officer te kaihhruiin nihna (post) an insiamrem nghal. Section hruaitu thlan hunah hian kum kalta chhunga hruaitu committee kaikim te, member leh hruaitu hnatlanga thawkchhuak thate chawimawina thil hlan a ni. Section hrang hranga hruaitu thlan chhuahte:

### CHAWNGBAWLA SECTION

- Leader : Pu Lalruatsanga
- A.Leader : Pu K Lal\hakima
- Secretary : Pu JK Zosangliana
- Asst.Secy : Tv H Lalrinmawia
- Treasurer : Tv B Lalsawmzuala
- Fin.Secy : Pu Rosangpuia

### TAITESENA SECTION

- Leader : Pu C Lalmuankima
- A.Leader : Pu Lalrinsanga
- Secretary : Tv Lalbiaksanga
- Asst.Secy : Tv Lalrinzuala
- Treasurer : Pu RK Rozidinga
- Fin.Secy : Tv Malsawmtluanga

### NEUVA SECTION

- Leader : Pu Lalliansangpuia
- A.Leader : Pu Lalchhandama
- Secretary : Tv EVL Hruaitluanga
- Asst.Secy : Tv Lalmingsanga Pautu
- Treasurer : Pu Vanlalhluta
- Fin.Secy : NI Lalramengi

### KHUANGCHERA SECTION

- Leader : Pu Lalchhanhima
- A.Leader : Pu HV Lal\havela
- Secretary : Tv Israela
- Asst.Secy : Tv F Lalhruaitluanga
- Treasurer : Pu Lalliansanga
- Fin.Secy : Pu Zonunsanga

### VANAPA SECTION

- Leader : Pu VL \hakima
- A.Leader : Pu H Vanlalvena
- Secretary : Pu PC Lalawmawia
- Asst.Secy : Pu R Vanlalsawma
- Treasurer : Pu T Sangkhuma
- Fin.Secy : Tv Hmingthansanga

Section hrang hrang OB te hian an thawhpui tur, committee member mi 25 aia tam lo an ruat chhuak lehin, Branch pawmpuina an la leh dawn a ni.

## Sub-Committee OB siam

### SILVER JUBILEE

- Chairman : Pu R Lalhmachhuana
- V.Chairman : Pu Lalrinliana
- Secretary : Pu J Lalnangliana Asst.
- Secy : Pu Lalnunthara Sailo

### PROPERTY

- Chairman : Pu TC Lalhmangaiha
- V. Chairman : Pu C.Lalmuankima
- Secretary : Pu Rosangpuia
- Asst. Secy : Pu Zoramthara

### KUMPUAN

- Chairman : Pu K Darthantluanga
- V.Chairman : Pu Lalchhanhima
- Secretary : Pu RK.Rozidinga
- Asst. Secy : Pu Lalnginglova

### THLANMUAL

- Chairman : Pu Thanseia
- V. Chairman : Pu R.Ramlawma
- Secretary : Pu Lalmingsanga Pautu
- Asst. Secy : Tv K Lalremruata

## Branch News

☀ Ni 15.1.2013 (thawhle) zanah hian rokhawlhna a awm loh chuan Branch Executive Meeting Koh tum a ni.

☀ Tunlain Ruihtheihthil a hluar hle a, a bikin Tleirawl leh Rawltharte nu leh pate mahni fate ruihhlo lak a an fihlim theihnan, tan la theuh turin an in ngen.

☀ Sub-Committee OB ten Committee Member tur mi 15 ai tam lo ruatin Branch Secretary hnenah January ni 20 hma in theh luh tur a ni.

☀ Branch Executive Member-ah PU TC Lalhmangaiha, Pu Lalliansangpuia leh Tv. R Lalringgheta te ruat thar an ni.

## RUANG CHHUAK

Pi Lalbiaksangi, Kum 58 Khumtung Khua chu ni 6.1.2013 zan dar 11:30 khan Seventh Day Hospital-ah a boral a. A ruang hi Pu Ramthanzuala CH-sec inah chawlh pui a ni a, kuang siamsakin an khuaah phurh chhoh a ni.

Tv Lalropuia Kum 19 Champhai Vengsang chu ni 11.1.2013 zing dar 3 khan Aizawl Civil Hospital-ah a boral a, Pu Lalrintluanga, N-sec inah a ruang chawlhpuin kuang siamsak a niin an khua panpui a ni.

## AWM THAR

Pu TS Munga te chungkua, Zarkawt atangin Pu P Lalfela in, Khuangchera section-ah



### TUNKARCHANGVAWN

Mahni ngaihin intifing suh la, Lalpa chu tih la, sual kalsan rawh. I sumin Lalpa chawimawi la. I thil lo puing hmasa ber zawng zawng nen. Thufingte 3: 7&9

**Editorial Board**

<b>Editor:</b>	R. Lalringheta	9862358337
<b>Joint Editor :</b>	Lalchhandama	9862358347
	J.Lalnangliana	9862399658
<b>News Editor :</b>	Thangkhuma	9862303135
	Lalchhuanmawia	9862580558
	K. Lalremtluanga	9862119608
<b>Cir.Manager :</b>	Jacob Lalrinsanga	9612319779
<b>Production Manager :</b>	T. Ngurkhuma	9436190843

**Branch Office Bearer**

<b>President</b>	<i>C. Lalzarliana</i>	9436142049
<b>Vice President</b>	<i>T. Ngurkhuma</i>	9436190843
<b>Secretary</b>	<i>Zairemmawia</i>	9862385654
<b>Asst. Secretary</b>	<i>RL. Thanhnuna</i>	9436152760
<b>Treasurer</b>	<i>R. Lalhmachhuana</i>	9436151817
<b>Fin.Secretary</b>	<i>K. Darthantluanga</i>	9436196071
<b>Adviser-te :</b>	<i>Pu F. Zosanga</i>	
	<i>Pu A. Biaklawma</i>	
	<i>Pu Lalrengpuia Sailo</i>	

Article:

**Editorial :**

Kum a lo thar a, pawl hrang hrangte'n hruaitu thlang chhuakin nihna kan invuah leh ta fur mai. A bik takin YMA kaihhnawih a hruaitute mawhphurhna hi a ritin a huphurhawm thin khawp mai.

Hetiang huna chanvo inpek chungchangah hian a ruattute'n ngaihtuahna thui tak sen a ngai fo. Tu emaw, a fel leh that em avanga chanvo pek chiam mai hi a fuh ber lo. Chanvo kan pek kha mihring ve tho, hman loh chang leh damsam loh chang nei ve thin a nia, a telna pawl hrang hranga hma a lak theih loh changin rilru nuam lo zetin a hun a hmang fo thin tih erawh hriatpui a tha khawp mai.

Chutih rual chuan pawl hrang hranga inhmang nasa ber berte hi mi hmantlak chu an ni lawi si. Chuvangin pawl hrang hrangte hian mawhphurhna la turin kan it fo reng a, a dikna chen pawh a awm ang.

Chuvangin, chanvo kan inpek hian ngaihtuahna fim tak nen, thui tak thlir thiam a tha khawp mai. Kum lama naupang zawk leh nakin lawka la hman tlak em em thei tur kan inchher chhuah thiam hian pawl tan a hlawk thlak fo. Tun hun chauh thlir lo hian nakin lama pawl kal zel dan tur ngaihtuah ran chunga hruaitu inruat hi a fuh khawp mai.

Mi tlin lohna lai leh that tawk lohna lai chauh thlir a kan hnualsuat chuan tumah kan teh tling ngai lo vang, mi thatna zawn hmuh fuh thiam a, chhawr tangkai thiam hi hruaitu tha tihtur zawk chu a ni.

**Zo nun ze mawi i vawng nung zel ang aw**

- J.C-a pa

A thupuia ka han hman khi ka rilrua lo lut thut, chuta tanga ka ngaihtuahna kal zel atanga kan Mizo Nun Ze Mawi vawn nun/him zel hi kan hnam mawina leh zahawmna a nih avangin he mi kawnga tan kan lak a, hma kan sawn zel theih nan ka rilrua awm ang ang ka han thai tial ve dawn a ni a, tu rilru tak hneh ang maw?

Kei 66 hnu lama he khawvel eng rawn chhim ve tan tan chuan khat, khat kum vela kan Pi leh Pu te hunlaia an khawtlang nun relbawl dan leh kaihhruai dan hre mah suh ila, vawiin ni thlenga kan khawtlang nun inkaihhruaina leh kan Mizo Nunzia mawi tak mai kan lo vawng nung chho zel hian kan Pi leh Pute hunlaia an in kaihhruaina that zia a hril mai awm e.

Amaherawhchu, he kan chenna khawvel lo thang chho zel leh, lo changkang chho zelah hian kan Zo Nun Ze Mawi tak hi Thang leh Tharte hian kan hre lo tan ni te pawhin a hriat a, kan inzirtir zelte pawh a tul hle awm e. Heng, tlawmngaihna, mi dang te tana thil tha tih kawngah te, tanpui ngai tanpui kawngah te, thangthar zelte hian tan kan lak a, hma kan sawn a tul hle awm e. Hemi kawngah hian nu leh pa te pawh in kan fate kan fuih sauh sauh a tul hle bawk ang.

Thalai hun awl ngah viau nihte hi zahthlak ah ngai ila, kan tih theih chinah

leh kan phak tawk theuhah kan Ram, kan Hnam kan, kan Khawtlangah, kan chhungkuaah kan Mizozia i lantir zel ang u. Mite tihah dah mai lovin, ka tihtur a ni tih chiang ila, kan veng a lo nawm a, kan khawtlang a lo thianghlim zel theih nan. Kan Hruaitute min kaihhruai dante hi tha ka tiin, an fakawmin an entawn tlak hlein ka hria.

Hetiang hruaitu tha leh entawn tlak, a hun leh a hmun a zira hma hruai zel thin Hruaitu kan nei hi member-te tan pawh chhuan tham an tlingin ka hria. Ka Y.M.A pui duh tak te u, keini pawhin kan hruaitute hnung zui tur hian kan ke i pen ve ang u. Mitthi lumen ngai an awmah te, Thlan laih ah te, Khawhar lenpui te, kan tih tur kan mawhphurhna a ni tih hria ila, kan Mizo Nun ze mawi tak mai a lo par vul zel theih nan te, kan mizo Tlawmngaihna peng hrang hranga hma kan sawn zel theih nan tan i la sauh sauh ang u. MIZO NUN ZE MAWI I VAWNG NUNG ZEL ANG AW.



16.02.2011

**Taitesena Section**

r Ni 11.1.2013 (Zirtawp ni) dar 2:30 pm-ah hruaitu hlui leh hruaitu thar ten Pu RK Rozidinga te inah charge inhlanna an nei a, an Treasurer thar nupui Pi Dingpui'n chawhlui a buatsaih sak a, an lawm hle.

r Ni 8.1.2013 zan khan kum 2013 Section OB tur thlanna nei a, inthlan nana In hman tirtu Pu C Sangkhuma te chhungkaw chungah an lawm hle.

r Kum 2013 chung hian Section huam chungah **Faina** lam hawiin nasa taka hmalak tum a ni a. Chhungtinte lo \awiwam turin an inngen bawka ni.

r Khua a lo \hal chho dawn a, **Kangmei** chungchangah chhungtinte fimkhur turin an inngen bawka.

**Neuva Section**

r Ni 8.1.2013 (Thawhle) zan Office Bearer inthlan zawh khan Kum 2012 hruaitute nen Charge in hlan nghal a ni a, Hemi zawh hian OB tharte OB Meeting pawimawh tak neih aui nghal a ni.

r Pu R.Lalhlmpuia fapa damlo chu a dam leh thuai an duhsak.

r Kum 2013 chungin thawh hona tha tak nen YMA Activities hrang hrangah YMA Member zawng zawng, hruaitute tawiwam zel turin an in chah.

r Kum 2012 chungah Committee kal kim - 1. Pu Lalchhandama (Leader), 2. Tv R.Laltlankima (Secretary), 3. NI Lalramengi (Treasure), 4. Tv Lalhriatkima (Comm. Member)

r Ni 8.1.2013 thawhle zan khan Tv Zairemmawia (Branch Secretary) kaihhruaina kum 2013 chungah Section hruaitu thlanna nei a ni. Thlanpuitu Pu Vanlalhruaia leh Pu Lalrimtuia Khuangchera Section te chungah lawmthu an sawi, mi 53 kalin inthlanna nei a ni.

r An member Lalmalsawmi D/O Pu Zonunsiam (L) in pasal tha tak a neih chu an lawmpui hle.

r Ni 10.1.2013 zan khan Sairang Road ah zu man a ni a. Hetianga man tur a la awm thin hi pawian ti hle.

**Chawngbawla Section**

r Ni 5 .1.2013 (Inrinni) khan thutthleng siam hna tlang neih a ni a, thutthleng siamna pawisa donate tu Pu R.Rokima te chhungkua leh hnatlang chhuakte chungah lawmthu an sawi.

r Ni 8.1.2013 (Thawhle) zan khan Tv H.Lalrinmawia te inah kum 2013 a Section hruaitu thlanna nei a ni.

r Ni 10 .1.2013 (Ninga) zan khan Section OB ten Pu Lalruatsanga te inah charge inhlanna an nei. Committee member turte an ruat nghal a ni.

**Vanapa Section**

r Pi Juliet Lalengkimi Accident pawh a dam leh thuai an duhsak.

r Ni 17.1.2013 (Ninga) zanah Section committee hmasa ber neih tum a ni.

r NI Lalnunhlui Renthlei chuan Class XII tha takin a Pass a, an lawmpui hle.

r Section huam chungah vantlang hmuh theiha zu in khap tlat a ni.

r Ni 10.1.2013 (ninga) zan khan Neuva Section nena tangkawpin zu phur man a ni a, uluk taka duty chhunzawm zel a ni ang.

r Section hruaitu thlannana phal taka in hmantirtu Pu H. Lalrinthanga te chhungkaw chungah an lawm hle.

r Section chungah YMA kaihnewih harsatna a awmin 9436197506 / 9436156250- ahte hriattir thin tur a ni.

r PC Lalremkima damlo chu a dam leh thuai se an ti.

**Khuangchera Section**

r Ni 8.1.2013 (Thawhle) zan Khan YMA Run-ah Section Office Bearer thlanna tluang taka neih a ni. Inthlanna Kalte leh Item nei zawng zawngte chungah lawmthu an sawi.

r Ni 11.1.2013 (Zirtawp) tlaiah Leader Pu Lalchhanhima inah Returning Officer (R.O) Pu K Darthantluanga kaihhruainain charge hlimawm taka inhlanna an nei.

r Section mipuite YMA hmalakna hrang hrangah leh khawtlang tana thahnem ngai taka hruaitute tawiwam turin leh finchhuah zel turin an insawm.

**Lunghlu Road**

Lunghlu Road chhim lam tawntirh chu mi thahnemngaitte hmalaknain siam that a ni a, sum thawhtute chungah Lunghlu Road Organising Committee chuan lawmthu a sawi.

1. Pu C Laltanpuia (Mosia Store) - Rs 1,00,000
2. Pu F. Vanlalrova - Rs 40,000
3. Pu H. Vanlalhruaia - Rs 40,000
4. Pu K Rosiama - Rs 5,000
5. Pu L Nghakliana - Rs 5,000
6. Pu Lalthianghlina - Rs 13,000
7. Pu R. Rokima - Rs 10,000

An mamawh bungruate battir thintu Pu L Nghakliana te chhungkaw chungah an lawm hle. Heng, an sum leh pai thawhkhawmte tangkai taka hmang a, thla hnih chung nilenga hlawh phut miah lova hnathawk enkawl thintu Pu Lalrimtuia chungah an lawm hle. Heng bakah hian mi inphal, thawh leh mai turte pawh an dawngsawng thei reng e.

**LAW OF THE GAME****Mangheta****Ralte**

Infiamna chi hrang hrang zinga ngaihhlut ber pawl, Football kaihhruaina lam tlem lo tarlang ta ila. Khawvel ram hrang hranga Football khel tute'n Dan thuhmun kan hman theihnan Football Khawvela thuneitu sang ber FIFA chuan **Laws of The Game** a duang chhuak a, chungte chu

Law 1	The Field of Play
Law 2	The Ball
Law 3	Number of Players
Law 4	The Players Equipment
Law 5	The Referee
Law 6	Assistant Referee
Law 7	The Duration of Play
Law 8	The Start of Play
Law 9	Ball In and Out of Play
Law 10	Method Of Scoring
Law 11	Offside
Law 12	Fouls and Misconduct
Law 13	Free Kick
Law 14	Penalty Kick
Law 15	The Throw In
Law 16	The Goal Kick
Law 17	The Corner Kick

Football player tha ni tur chuan heng Law te hi kan hriat a tul a, danin a phal chin leh phal lohte chiang taka kan hriat a tul fo. A remchan dan a sawi fiah leh tartan thin kan tum dawn nia.

**2013 PYD (Mizoram) hruaitute**

President : K.Zothansanga  
 Vice President : Lalrinsanga  
 Secretary : H Lalruatkima  
 Asst. Secretary : C Lalhruaitluangi  
 Treasurer : Robert Lalhming-thanga  
 Fin. Secretary : Lalawmpuia

**CWSC**

January 17 leh 18 zan dar 6:30 khian Indoor Stadium-ah vengchung thalaite tan Armed Wrestling Competition buatsaih a ni dawn a, thalai a tam thei ang ber chhuak turin an sawm. State level inelnaa tel tur zawna a ni nghal baw ang. Tel tumte chu January 15 (Thawhle) zan dar 7:00 hian Indoor Stadium-ah inbuk tur a ni.

Inelna turte :

Mipa	Hmeichhia
Kg 55 hnuai	Kg 50 hnuai
Kg 56-60	Kg 51-55
Kg 61-65	Kg 56-60
Kg 66-70	Kg 61-65
Kg 71-75	Kg 66 chung
Kg 76-80	
Kg 81 chung	

Football player Vanlalhuma chu Mizoram Premier League club Chanmari FC-ah an chhuahtir.

**Hna ruak**

Chanmari West Anganwadi Centre No.1 a thawk tur (helper), hmeichhia pakhat duh a ni a, a diltu chu hetiang mi hi an ni tur a ni:

- 1) Veng chung mi ngei a ni tur a ni.
- 2) Pawl 8 pass chin
- 3) Naupang enkawl lama tui mi
- 4) Khawtlang rawngbawlnaa ngai thei tur

Dilna chu plain paper a ziakin, ni 14.1.2013 hma ngeiin a hnuai a mi hnenah hian theluh tur a ni a, dilnaah hian certificate tul angte thil tel nghal tur a ni.

Chairman,  
 ICDS, Co-ordination Committee/  
 Chairman, Local Council

**Dangdai**

Thingzai chitin reng, kharchhawn ni lo, mahni zai ngei a nih avangin hlep nei tho siin hmundang aia tlawm fe in kan pe ta chur chur mai. Gosen Sofa & Furniture Work, Chanmari West, T. Section-ah lo kal la, i mamawh ang ang chu tlawm takin kan lo pe ang che.

Prop. : Lalngaihawma  
 Phone No. : 9856293259

**CVTTP NEWS**

Ni 9.1.2013 zan dar 8:00 pm kum 2013 chung hruaitu turte nen charge inhlanna an nei a. Tin, he hunah hian kum 2013 chung Executive member tur leh pawlpuina turte an ruat nghal.

1. Patron - Pu F Zosanga,  
Local Council Chairman
2. Adviser - 1) Pu C. Vanlalafela  
2) Pu T Lalthara  
3) Pu Lalrawna

Ni 19.1.2013 (Inrinni) a lang hian Library pawh hawn a ni leh dawn a, a hawn hun chung atan zing dar 10:00 am a langa tlai dar 3:00 pm thlang. Inrinni tin hawn ziah a ni ang. Library a in register duh apiang tan Rs. 20 in registration a tih leh theih baw.

**LAWMTHU SAWINA (LEPROSY)**

The Leprosy Chanmari West Unit chuan Kum 2012 chung a hahnem ngai taka Phar Chanhai tak takte puala Thawhlawm (Donation) petu zawng zawngte leh Bial tina Collector hahnem ngai em em a thawktu zawngte hnenah Pathian hmingin Lawmthu a sawi tak meuh meuh a, heng Pharte leh mi chanhai zawkte tana in inpekna hlu tak hi Pathianin a let tam takin a vur ngei che u kan beisein kan duhtak zet a ni.

**Leprosy Facts at a Glance**

1. Khawvel Phar vei zawng zawng za zela 50-60 hi India rama cheng an ni.
2. Phar natna vei za zela 15-20 te hi naupang an ni.
3. Minute 20 dan zelah Naupang phar pakhat zel hmuh chhuah ziah ang a ni.
4. Phar enkawl dam tawh maktaduai sawm pahni (12 Million People) chu chenna leh khawsakna hmun mamawhin an awm mek
5. Phar natna hi tihdam theih natna a ni.
6. Phar enkawl dam tawhte hi nun phung pangngai takin an awm leh \hin a ni.

**Keimahni**

Pu Lalbiakkima Sailo chuan chini min tumsak a, kan lawm hle.  
 YMAAW chhutnaa min tawiawm thintute chungah lawmthu kan sawi.

**ZOFA NEWS**

Dt 10.1.2013 (ninga) zan kum 2013 chung atana hruaitu tur an thlang a, inthlanpuitu RO leh PO te chungah lawmthu an sawi.

Inthlannana YMA Zawlbuk hmantirtu Branch YMA chungah lawmthu an sawi.

Art & Culture Dept tirhin Republic Day hmang turin Chennai lamah member 14 kal turin an inbuatsaih mek.

Dress dahnana phal taka Library hmantirtu CVTTP chungah an lawm hle.

Kum 2013 atan hruaitute'n member an rawn la leh dawn a, culture lama tuimi zawng zawngte chu inpe theuh turin an insawm.

Ral Lu Lam film siam mek chu chhunzawm leh thuai tum a ni a, member-te hun remchang lo insiam turin an inchah.

**BADMINTON CLUB**

Naupang Tournament Saron veng a neihah naupang pariat (8) an chhuahtir.

Registration thar siam tura hma lak mek a ni a, member-te registration ti vek turin an insawm.

An hruaitu Pu Lalnunthianga, a nu Mumbai lama check up-a a hruai pawh dam takin a lo haw leh ta.

An adviser Pu HVL Zarzoenga chu a hna lam avangin phai lamah a zin mek a, dam taka a lo haw leh ngeia n beisei.

Khua vawt deuh mahse practise taima turin member-te an inchah.

**LAWMTHU SAWINA**

Kan u Lalbiaksangi, Khumtung in ni 6.1.2013-a min boralsan chungchangah Damdawi in a langa kan ina ruang lak a ni a, Khumtung a phurh chhoh a nih thlenga min buaipuitu YMA, \henawm khawveng te leh \henrual \hate chungah lawmthu kan sawi a, kuang mawi taka min siamsaktu Chanmari West Branch YMA, Chawngbawla Section chungah lawmthu kan sawi takzet a ni.

**Ramthanzuala te chung  
 Chawngbawla Section  
 Chanmari West**